

Džemal Aganović, inž.geodezije



U ponedjeljak 22.jula 2002. godine, u Njemačkoj, kao izbjeglica, daleko od voljene Bosne, iznenada u 61. godini života umro je Džemal Aganović sin Ibrahimov.

Dostojno je ispraćen uz prisustvo porodice, rodbine, prijatelja i kolega na sarajevskom haremu Turbe – Bistrik 27.jula 2002. godine.

Džemal je rođen u Foči 12.02.1941. godine, gdje je živio i školovao se do završetka drugog razreda gimnazije 1957. godine kada se upisuje u Geodetsku tehničku školu u Sarajevu i završava je 1960. godine.

Odmah po završetku škole zapošljava se u Geodetskoj upravi BiH Sarajevo i radi na poslovima geodetskog premjera Foče.

Želja za stručnim usavršavanjem razlog je da Džemo kao redovni student završava prvi stepen geodetskog fakulteta u Beogradu od 1974. do 1976. godine.

Čitav svoj radni vijek Džemo provodi na poslovima u općinskim organima uprave Foča. Njegova stručnost i odgovornost u poslu zapaženi su pa je dugo godina bio direktor Općinske uprave za geodetske i imovinsko - pravne poslove, a pet godina i direktor Zavoda za urbanizam.

Džeminu kolegijalnost posebno su imali priliku doživjeti kolege iz Geodetskog zavoda Sarajevo prilikom geodetskog premjera općine Foča krajem sedamdesetih godina.

Rat ga je zadesio na položaju direktora Uprave za katastar i imovinsko – pravne poslove, a iz Foče je izbjegao 14. aprila 1992. godine.

I u Njemačkoj, koja ga je domaćinski primila, Džemo je uspio da se uključi u rad na geodetskim poslovima. Radio je na poslovima katastra u Mettmannu nadajući se da će mu i to iskustvo koristiti kada se bude vratio, ali ga je iznenada smrt spriječila.

Pamtićemo ga kao skromnog, tihog i dobrog čovjeka, Džemala Aganovića sina Ibrahimovog.

Poštovanoj supruzi, sinu i ostaloj rodbini i prijateljima naše iskreno saučešće u bolu, a za rahmetli Džemalovu dušu: EL-FATIHA.

Sead Hasanbegović